

www.BibleForChildren.org

Matthew 8



Iji etoto atae etiri Iesu da ai awa Cana nati da
jimbari bondo da mambusira, Galilee busu da.
Edo bondo susu mi Iesu de uso ambojimbi de
awa oru isira awasedo ungoi mambusera.



Edo jimbari bondo da embo grape be da ngamo awa
indero atae etiri Iesu uso ai mi uso yei sisira,
"Grape be da ngamo awa atae etira." Setiri Iesu uso
ai mi agipo embobo da yei sisira, "Ro awase sadira
awa ewo."



Edo Iesu mi agipo embobo da yei sisira,
"Utingi eiawa umo mi dimbuwo beda are."
Setiri umo jojetero utingi beda isera.
Beda etero Iesu mi ungoda yei sisira,
"Umo ou ainda nenei awa budo jimbari
bondo susu da mambuwo."



Setiri budo uso yei mambero umo umo wareregedo
ri grape be da ngamo isira awa gambudo gosisira. Edo
agipo embobo ungo umo
rawainda buriseri awa
gosisera te bondo susu
awa gae awasedo umo
jimbari iu awa jawo sedo
uso yei sisira, "Embo
berari giti ri
grape da be da
ngamo ewamei
awa giti itoro
indido era."



"Edo amboda esega
embobo awa jiwae indoro
grape ngamo nei kiambu
ewamei awa amboda
itido era. Awarate imo
nangoda yei ri
grape ngamo
ewamei awa
amboda itesa."





Edo wasiri nembodiba Cana nati
da Galilee busu da Iesu mi isira
awa uso wasiri goroba de
ari da tuturo ra. Edo umo
wasiri goroba de eiawa
etiri uso ambojimbi uso
wasiri da usasa awa gido
umo gebe
isera.



Edo Iesu Peter da mando da
mambudo Peter da umboti
awa karu yauya budo besi
da pasido atiri gosisira.




Edo Iesu mi evetu ainda ingo awa jigiri uso yauya
atae isira. Etiri Peter da umboti ewamei edo
erido indari sia edo Iesu da yei ititisira.



Edo ongobo etiri karu embo
berari de embo asisi
bebegae mi jo sirari
awa embo mi budo
Iesu da yei bugusera.
Edo nati embomei
berari awa mando
be da dada isera.



Edo ungoi dada etero Iesu mi embo karu neinde
kainde mi karu edo isera awa euri jebugedo isera
edo daedo asisi bebegae onduri mambudo isera.
Edo asisi bebegae Iesu awa averi awa garira
awasedo Iesu ungo beitigeuri ungo ge
sari ato jaredo isera.



Edo embo berari awa Iesu jigadi jarima isera
ainda be awa umo gorobe de buro ise iri
berari jebugurera
awasedo.



Edo Iesu embo atopapotiri embo ingo kopiri patido
amimi embo tei ingo ambari awa budo Iesu da yei
bugusera te yei awa ato ae etiri gido ungo torari
sago ae isera. Awasedo ungo mi embo awa budo
mando sa beraga da vivitisera.




Edo vitido Iesu rawainda atisira
yei ainda sisoro to isera. Edo to
isera edo to edo esi mi embo
ainda ewari besi da mendo
digido edo embo awa
mando joda itero
wowosisira.




Edo Iesu ungo gebe nembodiba
era awa gido embo tei ingo
ambari ainda sisira,
"Naso mei iso wasiri
biae kotembedo
dotena." Awasedo
Iesu ge awa sedo
embo tei ingo
ambari da yei
sisira, "Na iso
yei sena erido
iso ewari besi
budo iso mando
da mambuio."



Edo Iesu ge awa sedo Iesu nga da vivitisira uso
ambojimbi de edo yei awa dodo
mambusera. Edo kiambu yise
Iesu pasido nga joda ewo isira.
Edo Iesu ewo iri ga de
bisi bisara de edo umo
diuga awa teta ewa yawata ise
arago edo sasaka nga
joda vivitisira. Edo nga
awa kununu badi
isira.



Setero Iesu mi mina sisira, "Ingo na gebe edo gogo ae edo ewa awasedo ingo oju mi biae etewa." Sedo Iesu erido bisara de kau yawata de ainda yei ge setiri bisara jamo jamo etiri sasaka ewamei isira. Etiri ambojimbi wasiri awa gido kove be edo sisira, "Embo eiawa averi? Bisara de kau yawata de umo kera etera."



God busu berari da embo dubo be
burisira awasedo umo uso mei awo
da awa itiri bugusira. Edo embo
amemi umo gebe adera awa mana
riawo matawa eudo ira ainda
toradira te wasiri natopo
atari badera.



Romans 3:23

Edo embo berari awa wasiri bebegae isera awasedo God da atiti awa ungo doturisira.

Romans 6:23

Edo wasiri biae da mina awa betari ra awarate ingodena Iesu Keriso ingodenaso Bada ga da takibetera awa God mi wasiri matawa atari itadira. Itiri uso kando awa ingodena mina itido badi aera.

Hebrews 9:27

Edo embo berari busu da atera awa iji da betadera. Edo embo dada betoro God mi ungo kasadira.



Ephesians 2:8,9

Edo God uso soregari ingodenaso yei itido ira ainda susu re ingodenaso ari ewagaewa aera God uso soregari ingodenaso yei itido ira ainda susu re uso kando ari de ingodenaso tumonda ari de ra. Edo soregari re God da kando ingodenaso yei ra. Edo God mi ingodena awodo soregurisira awasedo gaegae edo jariga ge seove.

Romans 10:9,10

Edo ingo embo nenei da joda Iesu awa naso gitijigari ra sise edo jo ingoda ainda Iesu betetiri God mi jigiri eririsira awa gebe adewa awa God mi ingo soregadira. Edo nango awa nangoda joda gebe ise edo nangoda gebe ari awa embo nenei da yei seoro ingido era ainda emboro da nango God ga da umo jigari ewamei edo era edo unemi nango soregedo ira.



John 3:16,17

God busu berari da embo dubo be burisira awasedo umo
uso mei awo da awa itiri bugusira. Edo embo amemi umo
gebe adera awa mana riawo matawa eudo ira ainda
toradira te wasiri natopo atari badera.

God uso mei awa busu berari da embo awa kasarase itae
bugae ra te soregarase ititisira.

1 John 5:11-13

Edo God ingodenaso yei ge mo rori sisiri? Umo sisira umo
wasiri matawa atari ingodenaso yei ititisira edo ingode
wasiri matawa atari eiawa uso mei da yei awodo
tamborase sisira. Edo embo ave uso mei kumbusera embo
awa wasiri matawa atari eiawa kumbusira te embo ave
God da mei kumbae awa embo awa wasiri natopo atari
awa kumbae ra. Embobo ingo awa God da mei da jawo awa
gebe ewa. Edo ingo mi wasiri matawa atari awawa
burisewa gawase sedo na ove eiawa ingoda yei jivena.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ewage-Notu Bible (nou) © 1987, Wycliffe Bible
Translators, Inc. All rights reserved.

<https://live.bible.is/bible/NOUWBT/MAT/1>

©2026 Bible for Children, Inc.

www.M1914.org

www.bibleforchildren.org

